

1. Դու երկնքից իջար ու մարդացար Քո Հոր կամքով
 Եվ մեզ սրբեցիր Քո սուրբ, պատվական արյունով,
 Խաչիդ մեծ գործությամբ ճամփա բացեցիր դեպ երկինք,
 Հավատում ենք, Տէր Հիսուս, Քո տված խոստումին:
 Հայր իմ հավիտենական, խնդրում եմ այցելի՛ր,
 Քո երկնային անմար կրակով իմ սիրտը այրի՛ր:
 Հայր իմ հավիտենական, Քո երեսն եմ փնտրում,
 Եվ, նայելով Քո աչքերին, խաղաղություն գտնում:

2. Սուրբ Հոգի, Դու իջար, բնակվեցիր մեր սրտերում
 Ու մեր սրտերից հիմա Աբբա Հայր ես կանչում:
 Անունդ մեծարվի, փառաբանվի, իմ Տեր Հիսուս,
 Դու ես միակ Տերը և ընկերը իմ հոգու:
 Հայր իմ հավիտենական, Դու սերն ես իմ միակ,
 Քեզնով եմ պարծենում, ցնծում, ուրախանում միայն,
 Հայր իմ հավիտենական, Քո երեսն եմ փնտրում
 Եվ, նայելով Քո աչքերին, խաղաղություն գտնում: